



Bosna i Hercegovina
Federacija Bosne i Hercegovine
Hercegovačko – neretvanski kanton
Općina Konjic
NAČELNIK



Broj: 01-11-2-2533/21-9
Konjic, 29.09.2021. godine

Na osnovu člana 64. stav 1. tačka b) i člana 70. stav (1), (3) i (6) Zakona o javnim nabavkama ("Službeni glasnik BiH", broj: 39/14), Preporuke komisije broj: 10-11-2-2533/21-7 od 27.09.2021. godine, u postupku javne nabavke "Izvođenje radova na pumpnoj stanici sa potisnim vodom Gornja Bijela", a u skladu sa članom 38. Statuta općine Konjic ("Službeni glasnik Općine Konjic" broj: 4/11, 6/11 i 3/20) načelnik općine Konjic donosi

ODLUKU
o izboru najpovoljnijeg ponuđača

Član 1.

Prihvata se Preporuka Komisije za nabavku, broj: 10-11-2-2533/21-7 od 27.09.2021. godine i ugovor za javnu nabavku radova "Izvođenje radova na pumpnoj stanici sa potisnim vodom Gornja Bijela" dodjeljuje se ponuđaču **GD RAD d.d. Konjic**, ul. 4 Muslimanske brigade bb, 88400 Konjic, Ponuda broj: 01-1273/21, od 31.08.2021. godine, za ponuđenu cijenu, ostvarenu na e-aukciji, u iznosu od **139.850,00 KM** bez PDV-a, odnosno **163.624,50 KM** sa PDV-om kao najpovoljnijem ponuđaču.

Član 2.

Izabrani ponuđač dužan je u roku od pet dana od dana prijema ove odluke dostaviti original ili ovjerene kopije dokumenata iz člana 47. stav (1) tačka c) Zakona o javnim nabavkama BiH. Ostale dokaze tražene Tenderskom dokumentacijom broj: 10-11-2-2533/21, u pogledu kvalifikovanosti, izabrani ponuđač dostavio je u svojoj ponudi.

Član 3.

Izabrani ponuđač iz člana 1. ove odluke, u svojoj ponudi, dostavio je dokaz o posjedovanju ovlaštenja Federalnog ministarstva prostornog uređenja za izvođenje pojedinih dijelova građevine iz područja niskogradnje i hidrotehnike, te se oslobađa naknadnog dostavljanja istog.

Kao uslov za zaključenje ugovora izabrani ponuđač dužan je dostaviti dokumentaciju iz tačke 32.3. predmetne tenderske dokumentacije, u roku od deset dana od dana prijema ove odluke, na način i u formi kako se to zahtjeva.

Član 4.

Ova odluka objaviće se na web - stranici ugovornog organa: www.konjic.ba, u skladu s članom 70. stav (6) Zakona, istovremeno s upućivanjem ponuđačima koji su učestvovali u postupku javne nabavke.

Član 5.

Za izvršenje ove Odluke zadužuje se Služba za zajedničke i stručne poslove i Služba za privredu, finansije i društvene djelatnosti.

Član 6.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-11-2-2533/21 od 30.06.2021. godine.

Javna nabavka je sprovedena otvorenim postupkom.

Procijenjena vrijednost javne nabavke bez PDV-a je 130.844,90 KM.

Načelnik općine Konjic je Rješenjem o imenovanju Komisije broj: 01-11-2-2533/21-3 od 10.08.2021. godine i Dopunskim rješenjem broj: 01-2-11-2-2533/21-4 od 27.08.2021. godine, imenovao Komisiju za javnu nabavku i zamjenske članove za nabavku radova: "Izvođenje radova na pumpnoj stanici sa potisnim vodom Gornja Bijela".

Na osnovu obavještenja o nabavci broj: 637-1-3-16-3-12/21, objavljenog 10.08.2021. godine na Portalu javnih nabavki i tenderske dokumentacije, putem otvorenog postupka, izvršeno je prikupljanje, analiza i ocjena podnesenih ponuda za nabavku predmetnih radova.

Javno otvaranje ponuda izvršeno je 31.08.2021. godine, u sjedištu ugovornog organa (Maršala Tita br. 62, Konjic), što je i konstatovano Zapisnikom o otvaranju ponuda, br. 10-11-2-2533/21-5.

Komisija je blagovremeno i pravilno izvršila otvaranje i ocjenu pristiglih ponuda za nabavku radova "Izvođenje radova na pumpnoj stanici sa potisnim vodom Gornja Bijela" o čemu je sačinila odgovarajuće zapisnike u kojima je utvrđeno sljedeće:

- da je ukupan broj pristiglih ponuda: tri (3);
Pristigle su ponude sljedećih ponuđača:
 1. GPI d.o.o. Konjic, ul. Sarajevska br. 31, 88400 Konjic;
 2. BUJICE d.o.o. Konjic, ul. Stara čaršija br. 88, 88400 Konjic i
 3. GD RAD d.d. Konjic, ul. 4 Muslimanske brigade bb, 88400 Konjic.
- da su blagovremeno zaprimljene navedene ponude,
- da je broj neblagovremeno zaprimljenih ponuda; nula (0),
- da su ponude ponuđača: GPI d.o.o. Konjic i GD RAD d.d. Konjic prihvatljive, dostavljena je sva tražena dokumentacija u skladu sa zahtjevima iz tenderske dokumentacije,
- da Ponuda broj: 01-285/1-21 od 30.08.2021. godine od ponuđača BUJICE d.o.o. Konjic nije prihvatljiva. Ugovorni organ je u tački 15. (tehnička i profesionalna sposobnost) predmetne tenderske dokumentacije postavio određene uslove koje moraju ispunjavati svi ponuđači. Između ostalog, u tački 15.1. e) postavljen je uslov da ponuđač prihvata preduzimanje mjera za upravljanje zaštitom okoline i mjera energetske efikasnosti koje će privredni subjekt primjenjivati prilikom izvođenja radova. U svrhu dokazivanja ispunjenosti uslova iz tačke 15.1. e), ponuđač je dužan u sklopu svoje ponude dostaviti **Izjavu da prihvata preduzimanje mjera** za upravljanje zaštitom na radu i zaštitom okoliša i mjera energetske efikasnosti, koje će primjenjivati prilikom izvođenja radova. Navedenu izjavu, ponuđač BUJICE d.o.o. Konjic, nije dostavio u svojoj ponudi, kako je to zahtjevano tenderskom dokumentacijom, te je komisija jednoglasno odbacila ponudu kao nepotpunu i neprihvatljivu.

Nakon izvršene ocjene ponuda ponuđača koji su dostavili kompletnu ponudu, a prije zakazivanja e-aukcije, u skladu sa predmetnom TD, Komisija je rangirala prihvatljive ponude u skladu sa kriterijem definisanim u tački 24. TD – najniža cijena ponude:

R.b.	PONUĐAČ	NAJNIŽA CIJENA TEHNIČKI PRIHVATLJIVE PONUDE (sa popustom i bez PDV-a)
1.	GD RAD d.d. Konjic	143.297,32 KM
2.	GPI d.o.o. Konjic	164.055,43 KM

Komisija je nakon analize prihvatljivih ponuda zakazala e-aukciju za dan 27.09.2021. godine u 09:10 sati, te istu provela u skladu sa uslovima iz tenderske dokumentacije kojom je predviđeno održavanje e-Aukcije i Pravilnikom o uslovima i načinu korištenja e-Aukcije („Službeni glasnik BiH“, broj: 66/16). E-Aukcija je provedena putem sistema e-Nabavke na web stranici www.ejn.gov.ba.

Po okončanju e-Aukcija, koja je trajala od 09:10 do 09:26 sati (Izvještaj o toku i završetku e-Aukcije u prilogu), Komisija daje tabelarni pregled prihvatljivih ponuda ponuđača kako slijedi:

R.b.	PONUĐAČ	NAJNIŽA CIJENA TEHNIČKI PRIHVATLJIVE PONUDE (bez PDV-a)
1.	GD RAD d.d. Konjic	139.850,00 KM
2.	GPI d.o.o. KONJIC	140.000,00 KM

Na osnovu provedene procedure javne nabavke i ocjene kvalificiranih ponuđača, ponuđenih uslova, cijena, te priložene dokumentacije i primjenjenih kriterija koje je ugovorni organ odredio u tenderskoj dokumentaciji, Komisija je jednoglasno utvrdila da je najnižu cijenu tehnički zadovoljavajuće ponude ponudio ponuđač GD RAD d.d. Konjic, na osnovu čega je jednoglasno dala Preporuku rukovodiocu ugovornog organa broj: 10-11-2-2533/21-7 od 27.09.2021. godine, da se ugovor za javnu nabavku radova "Izvođenje radova na pumpnoj stanici sa potisnim vodom Gornja Bijela" dodijeli ponuđaču GD RAD d.d. Konjic za ponuđenu cijenu, ostvarenu na e-aukciji, u iznosu od 139.850,00 KM bez PDV-a.

U postupku donošenja ove Odluke, posebno su cijenjene činjenice da je Komisija za nabavku, pravilno i potpuno, izvršila ocjenu kvalifikovanosti ponuđača i pregled i ocjenu ponuda, u skladu sa kriterijima iz Tenderske dokumentacije.

Prilikom ocjene provedenog postupka, uvidom u dokumentaciju, rukovodilac ugovornog organa nije našao razloge nepravilnosti, niti propuste u radu koji bi eventualno bili osnov za neprihvatanje preporuke komisije.

Naime, u postupku je ocijenjeno da je Komisija u svemu pravilno postupila, i da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, tenderskom dokumentacijom i ponudom izabranog ponuđača. Uvidom u priloženu dokumentaciju, je nesporno da je ponuđač GD RAD d.d. Konjic izabran kao najpovoljniji, primjenjujući kriterij najniže cijene, ostvarene na e-aukciji, u iznosu od 139.850,00 KM bez PDV-a, odnosno 163.624,50 KM sa PDV-om.


Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

DOSTAVITI:

1. Načelniku,
2. Ponuđačima x3,
3. Službi za prostorno uređenje, građenje i obnovu,
4. Službi za privredu, finansije i društvene djelatnosti,
5. Službi za zajedničke i stručne poslove,
6. A/a



Pripremio: Elvir Nuhić